

退

菴

詩

存

退菴詩存卷三

福州梁章鉅蒞林

人日飲何氏井上草堂步壁間龔海峯先生

景瀚韻

我生頓悟輪香岳但希安穩長康帆宦游頗自知冷煖喜  
食那許分酸鹹十年浪迹類萍梗假廬也到嵩之巖背屋  
有山僅隱躍俗居無竹空筍櫟亦知局塗鮮炯迹姓名未  
足當鐫劖東西恩恩踏鴻雪存亡奚暇爭荆凡何家園林  
黃氏蹟井上草堂在嵩山之麓舊爲黃處安先生故居結構厯厯圍櫺杉滿庭風  
月恣酣賞向人魚鳥同感誠何公折柬招我飲高朋盈座

羅杯械我本勞人慣塵土偷閒整此拋朝衫巷南巷北悉

良契一冬詩酒飛箋函況茲靈辰值勝地周遮瀟碧森湖

嵌琳瑯百幘拂墨瀋鼎彝萬狀消梅黻海峯先生吾鄉望

詞壇掉臂舉龍繆雄文早增草堂重

壁間懸先生所作并上草堂記十幘

長

句更遣吟肩巉名流雅集例須紀酒徒可信非虛饒我今

後塵步芳躅想見芝宇睂髟髟搏沙放手不復聚駐顏恨

少黃精鑱師門闐寂父執渺

謂孟瓶菴鄭蘇年二師皆當時同唱和者

先疇媿

亦荒耒芟忍荒學殖逐吟詠似舍牢羞耽蛤蜊及時行樂

聊復爾一官久已輕冰銜攻取肯教豹如毅絜量粗識蟹

與監形骸放浪隨所託抒寫寧計聲韻咸前賢後生各有  
感吾儕何必無詒謫詩腸盤鬱相斧藻醉言脫畧忘譏讒  
要當共厲石友介無煩苦守金人緘

客有以閩中三十六宮舊址問者作此畱之

三十六宮在何許舊址蒼茫不可睹猶憶瑯琊繁盛時榕  
城佳氣壯旗鼓泉山山下仙所都殊形詭制各區宇煥如  
列宿環紫宮又似方壺構懸圃我聞規制始漢室珍臺間  
館卅六所建章迤邐十一宮直到平樂二十五三輔黃圖  
燦列眚後代規撫踵其武回首風流千百年屠龍躍馬俱

黃土感慨巖頭潮水生搜羅城外甄文古鳳飛燕去杳無  
蹤一片苔痕積秋雨我本邦人當數典喜探舊蹟挈儔侶  
樂遊湖上夕陽多三清臺伴鳥聲苦淳熙志乘鮮有及何  
氏閭書亦粗舉霸氣消沉霸業荒何況區區訪廊廡那若  
翔鵬寺裏來穹碑百尺重摩撫

曹能始謁忠懿王廟詩翔鵬祠貌古

瑞巖

在福清縣

晨起事勞役午憩信幽探列峯聳天宇峻阪開晴嵐挺奇  
擁積鐵閭景森長杉迴巒覺徯塞曲磴使路淹上攀忘厲  
急下矚驚險巉英英洞雲徙漈漈竇泉濺窅深豈有極精

進自不願力爭一綫逕心豁千重帆

巖際望見大海

偷閒眷彌重

結賞理則諳焉得同懷友共醉天章巖

福廬限瀛壖石竺阻霄際茲山復嶢岼秀發黃輿瑞舊广

既往復新蹊益抗蔽返虛舍天風積遠納海氣洪波昔漲

氛沃壤淪割棄掣鯨仗南塘澆瑩靖東澨

明季戚南塘平倭曾屯兵于此

因增闢巖洞績峻芳塵流址存令軌逝攀躋想英眄憑弔凝遠

睇微吟望闕章雒誦開山記需材感自今澄清誰戾契

戚南

塘于巖後建望闕臺並紀以詩又有瑞巖開山記並詳志乘

攀條倚層青捫蘿僚幽碧古異厯在眼曠想結陳迹深鐫

退菴詩存

卷三

三

鬱球琳斜附森劍戟癡疾偶欲蒙跟肘尙能識肖景各有  
據含情如不隔殉名窮危巔作勞赴險役時值賞爲美事  
往竟誰惜巖椒卓巨趺堂展肅英憤山前有巨石爲大佛像堂中有葉文忠公遺像公會讀書于此名教有真壽聞思亦廣力荆凡孰存亡一笑謝  
牽纒

陳茂才

敬高

明經

傳曰

招遊龍臥寺次壁上江田家

兄韻

縱步千林景幽尋一逕煙空山畱佛相老樹記唐年雕落  
巖花動龍歸石室偏梵筵當勝處焉得遠公賢

萍水逢佳侶相期坐晚煙席分香積供觴學永和年得得  
精藍莫匆匆醉墨偏縱通西掖夢已讓侍中賢

贈誠意和尚

聞道琴聰與蜜殊青山到處結茅廬詩歌細寫仙心迥雲  
水生成佛相癯萬斛泉源傾法藏一枰枯子當團蒲他年  
倘遂扶藜約把臂東林定不孤

食海物分詠

黃砧

共傳黃砧美真入食單來快覩揚葩狀渾無染指猜岐分



珊作架豐下玉爲胎倘續加恩簿應教讓傑魁

龍腸

麟脯名虛游龍腸品實妍圓心通碧管細理蹙冰弦曉市  
爭奇貨春盤佐小鮮憑他羹與腊風味總堪憐

江珧柱

舊識江珧柱鄉厨片片麤名曾徵馬甲品已壓羊酥秀挺  
雲根潤濃收海氣腴城居艱得此算負酒盈壺

玉筋蛭

蛭埕傳別種玉箸有佳名雪質中單襯冰條瘦削成銀絲

調笄脯碧澗配芹羹近市誇珍錯焉知此味清

同人賞菊分賦

憶菊

何緣消息尙沉沉使我神交思不禁三徑夢隨秋雨積幾  
叢悵入暮雲深蟹寒蝶瘦誰能遣露白葭蒼共此心寄語  
相遭休淡泊一樽直待故人斟

乞菊

商量韻事稱閒居住佳種誰家恰有餘準備蟹螯招近局先  
同鹿脯寄新書好沿白板探芳訛也當黃金到做廬秋色

由來無盡藏滿城風雨莫愁予

護菊

愛花肯使素心違拂拭真堪對白衣清注冰甌分小潤瘦  
支露篠結新圍也應晚節惺惺惜莫爲微霜草草歸誰識  
怨恩都不著貞香千載自因依

詠菊

別開生面寫蕭疎名卉何堪藻漫攄東晉沉吟孤隱跡南  
陽檢點養生書閒庭白露無言後老圃斜暉獨往初共說  
司空詩品在更誰解到澹相如

供菊

鎮日幽齋結賞音安排傍榻復鄰琴四圍秋色遊仙夢一  
盞寒泉獻佛心瘦影不妨叉手對冷香真合裹頭吟莫嫌  
斗室無知己晉宋高風直到今

釀菊

風味何須問麴生東籬便作秫田耕小槽漉盡秋心苦滿  
甕澄餘露氣精潦倒依然君子澹品題合得聖人清獨醒  
應動靈均悔餐勝偏知掇落英

初夏登夢筆山飲於等覺寺

鎮曰山居思不禁

時主南浦講席院舍在粵山深處

出山依舊入山深春

歸原上桑麻早路遶城邊薜荔陰一角嵐光偏照眼六朝  
文藻最關心此中覽勝兼懷古合伴閒雲緩緩吟

憲侯祠貌倣崇岡今昔何嘗判景光碧水丹山天宇豁綠

蕪紅穗午風香妖金一躍甘羈旅

用江文通出爲吳興令辭建平王牋中語彩

筆千秋自激昂過客紛紛祇說夢誰知無憾到朱方

東偏精舍有淵源文苑儒林兩派尊直院聲名馳北闕飛  
仙文采冠西崑陳編久切風徽游勝迹欣經雪爪痕但媿  
舉比無炯迹分明此地是雷門

雅集何當繼白蓮叢筍深處起茶煙醍醐有悟皆如性疏  
筌能精卽是禪鎮覺蘭言消永晝笑看花雨滿諸天歸途遇雨  
同人遜我歸途趣又向山中聽響泉

### 安聖寺

索居習寡歡幽探答羣疎輕輿轉林筵新術陟麥隴迴巖  
忽扼塞複澗僅容甬側疑地脈盡間出天宇聳朱曦隱重  
樾紫霧露修棋溪山自一家猿鳥若相拱磻戶叩幽寂庭  
幘愜飛動侵衣薜色溼闔履藤根輦竇泉有深清簷竹無  
雜冗香厨聞齋鐘禪械破長拳雲還鶴亦倦泥滑鴻已翹

歸蹊逐明蟾吟緒抽繭蛹

贈全生湘皖

徵蘭

用達玉圃曹長

麟韻

浦城畫宗誰所傳元宰過化相磨研趙公雪公洗真面

董文

敏疲於應酬每倩趙文度及僧珂雪代筆見曝書亭集

辦香一綫追前賢全生私淑

百載下灑然獨結翰墨緣丹山碧水恣渲染吳衣曹帶爭

清妍文人作畫自有法豈與畫工爭後先是文是畫寶統

贊願君妙悟希其全我今欲訪武夷勝振衣高揖十三仙

三三六六倘有契非君慧腕誰能宣山房短幅意未足更

期長卷揮雲煙

時屬畫南浦書院小景

貪懷得無譏買菜長物聊用

光青氈君不聞當時戴安道負笈首寫南都篇起予佳話  
豈殊致畱續他年寶鑑編

中秋後一日將遊武夷先期約季生述堂

肇文

勝遊正好及秋分難得良儔慰所欣此事也如歌白雪他  
時誰與共青雲

先約從遊者  
多後皆不果

抽身便擬謝康樂乘興猶過

宗少文準備巾箱量腕力滿收山色壓香芸

過九龍岡

賈勇踏亂峯涼秋汗如沐壯遊自所甘銳進如有督初如  
蟻旋磨漸似鮎上竹屏營一綫梯眩轉萬丈谷芒鞋竭前



武筭輿空後逐躋攀限分寸銷付錯單複盤藤劣支腰碎  
石窘受足旁睨身已孤翹肝頸猶縮心旌聳飄搖尻輪倦  
輾輓欲罷還自鎮偶蹉那可贖巖花綯綺組澗響滙笙筑  
卽景多可欣憑危惜終愿冥冥廿餘里裊裊百十曲屢衝  
洩雲破平當斜景肅信知天宇寬卻悚地勢感徒侶半撫  
膺朝甕久負腹我生習艱險茲役匪刺促雖輸向平期終  
勝楊朱哭遭途仗堅忍洞天佇靈矚行矣勿回顧山亭茗  
初熟

九曲嶺望見武夷山

嶙峋瘦影枕丹垠仙霧濛濛透夕曛誰信相思竟相見雲  
端抗手武夷君

九曲舟中書所見

山行鎮日疲體慳溪行迫促驚帆雙山厲水刻相比屬登  
臨乃愜熊魚雙秋晨風日豁新霽萬年宮口招舴艋一曲  
二曲已入勝爭妍騁秀誰能降大王凌虛壯顛趾慢亭倒  
影翹踈躡人間可哀曲已闕空餘虹板聯長杠少焉捩舵  
見玉女神光離合疑湘江風鬟霧鬢蘸煙水鏡臺低亞琉  
璃牕急湍截岸忽辟易堯牟勒馬森矛鏃壓蓬鐵板闌混

沌大藏小藏爭峻峴琅龕瓊檻不可睨欲往測之神爲憮  
仙航縹緲架絕壑釣緡隱約纏枯樁天柱以西稍夷曠紫  
陽結構迴奔瀧寒棲晚對惜寥閒溪毛何處羞蘭茝平林  
野渡隔蘆港雲窩遺趾畱苔砭隱屏斜陽金碧簇仙掌過  
溜瓊瑤擬榜人導我桃源路行滕落葉交琤琤同儕指我  
城高徑叢篁影裏停花尤如防者盛堂者密紛來沓至隨  
奔馳又如崇墉矗玉庑或擬列璧銜金釭忽聞齊聲詫奇  
特天游飛觀天外扛其下接筍插雲際盱眙欲墜都盧幢  
峯迴徑絕忽眩轉三層三仰森幢幢天壺揭空飽支拄鼓

子作勢方碎薛溪音谷響乍回互只有仙籟無凡腔舫聲  
未滅境又換漸離奧竇開奇豁靈峯之雲白如紙齊雲之  
樹纖如豉陂陀隱隱作結束芙蓉灘上舒鳴淙星橋炤眼  
煙景織紛闌茶局充耕耰巔峤回首忽如夢三時震駭殊  
冥翫入機出機了不解蒼然暮色徒瞪眈鋪聞靈區蓄詭  
闕說者往往驚聾聵嘉平曾孫已悠謬聚族更溯洪荒澤  
秦壇漢峙碎飛瓦金龍玉簡淪幽邶竭來覽勝自不給無  
煩弔古心忡忡五百餘仞概已領三十六峯行且楚丹砂  
瑤草豈易致詩腸尙可和楊控但愁過景墜茫昧莫怯險

退菴詩存

卷三

韻交春撞全牛雖未達腴理一縷已足償饒饗賞奇領異約朋輩夜闌更倒玻璃缸

城高巖

城高形如城豐牆而峭址懸梯被層雲積鐵作寒壘上方已蘄絕下徑尙流美叢篁遠韜天巖竇潛過水意眷精舍幽心悚危臺履平臨接笋巔斜矚隱屏趾雞胸接龍脊迢遞獻條理雪洞間雲窩錯落距尺咫懷哉淳熙儒品題冠流峙跡往芳塵畱夕陽載徙倚

虎嘯巖

首路平肩與伊軋如過艇延緣惑新蹊恰有山靈請嵐光

露西岫雨意接東嶺始知集雲關尙在凌霄頂巖在凌霄峯南路口

有集雲關三字石刻騰空橫卓閣俯覆作幽屏迴身迷去蹤良背詫

來境誰煩巨靈擘作此廣厦迴法雨懸有聲寶曦悄無影

鎮心覓泉竇惜力支茶鼎逢僧不言禪說虎久無柄焉得

山中人招我蹈箕頽斯遊固非偶此意竟誰領頗嫌執圖

經瑣瑣劃八景

### 小桃源

循溪徠絕壁岡脊排層層二分足垂外所歷千峻嶒嵌空

無垠竹閣步太古簾冥冥得微徑澗響先呼鷹斜光露虛  
白石扇中開匄四山各斬截作勢方凌兢蕭穆聳玉版倚  
薄懸蒼屏照眼忽爽豁締構初誰勝洪荒泮水闢太古頽  
雲崩衡茅蔚深碧芋區間芳塍潤雜春冬氣秀發沙土凝  
周旋半魏晉邂逅相蟲冰乃知自然境不必幻武陵神仙  
誠渺茫招隱庶可憑

天遊峯

游人非登天齊心上天游危亭倚天半萬象浩一收名峯  
三十六平檻如獻酬九曲溪迴瀦厥緒不可搜茲山蘊秀

異茲峰領殊尤如披縮本畫如撫盆石幽不知何鬼工厥  
初費雕鏤全局列軒豁靈蹤合盧牟我來躡絕壑萬仞凌  
清秋逍遙昕夕霽混合仙凡儔平生汗漫心滿足無他求  
持此傲五嶽庶免軒輊羞所惜嬰世網凜然難久畱笑謝  
十三仙行歌答夷猶

### 水簾洞

晴昊無片雲破空忽飛雨游目眩雜花灑面迷處所初疑  
壁光奪旋驚石广頽背崖卻憑欄爽然見端緒的的寫碎  
珠星星散圓渚驕陽外澹泊長風中容與東西各有態喧



寂不自主一心滙聲光萬狀析條縷常情震飛瀑茲景鮮  
延佇匡廬但面目武彝見肺腑

白雲峯

我身如閒雲更曳雲中屨盤盤穿嶮巖深入愁窘步側肩  
頂欲壓累趺趾莫附亦知垂堂惕終矜濟勝具山花本無  
名礪柳不成絮寓目富幽賞驚心怯回顧堂防趨正絕軒  
檻漸呈露境塞奇亦開氣銳力斯副梯空賈餘勇敷坐覽  
回互閒評巖茗精靜領佛香度憑欄一徙倚怪偉競吞吐  
陰翳驀飛來罡風促歸去理愜靳少延情充惜良晤還瞻

白雲頂記我經行處

彌陀巖和壁間藍又航孝廉

瑛韻

參透三三六六關此身已共白雲閒何期晚出精藍好猶

見當年潑墨斑

壁間多吾鄉張義圃  
此贈二先生詩翰

四日勝遊酬夙約一

番良晤又開顏遠公送我情何限把臂重期赤石灣

僧長  
慶留

客甚  
殷

題葉芷汀庶常洪塘送別畫卷

洪江水汙汙洪塘沙漫漫送君何能已結想異恒眷

帝鄉豈他鄉羣仙錯龜判蘭臺切華蓋報國資壯觀君

家世詞臣舊德本輝燦摩空金殿前攬勝瀛洲岸金春間  
玉應鴻文自優幹偉哉義卓濶君言可佩質鼎軸有擔荷  
旂常迺昭煥仗君馳先聲風義激懷晏我亦春明侶掉首  
望香案黔突與勞薪旋轉作冰炭以茲守局迹似彎強弓  
寸神交十餘秋飛伏竟殊算送君爲君興明諧古所讚何  
當紹陽禹一洗恐泥歎

爲姜受菴

祝齡

題朱笥河先生玉華紀遊冊後步葉

筠潭學使

紹本韻

吾閩山水奇首數玉華洞潛通坎窞深巧補坤軸空古月

擎西流罡風追南虹盤紆梯汜婁案衍錯枿棟時疏開闢  
水莫釋陰陽凍少時攬圖經勝蹟寄曩夢神摹手復畫咄  
咄駭聾瞽行滕邇再三尻輪脫鞿鞢終然限臥遊徒寄金  
石弄姜公晨詣我拍手忽笑關開函驚斫鼉循響快鳴鳳  
陸離走光怪四達騁鴻洞如箝雖在舌已覺豁區霧洪惟  
笥河公間世出嶽貢絳紗開南國主持風會重檠啟束弛  
幹輦悅轍帷幪六書擅精絕力欲括籀誦鴻文更無範萬  
甲捲殺雍爲挾神皋靈不辭仙斧礪至今寶遺墨想見文  
藝眾當年迭持衡皋比兩伯仲英英門下選我家盛遊從

乍依浚長許終挹廣平宋理窟與藝林各各示機綜

先夫及大

諸伯叔並受業於笥河石君二先生之門卻憶趨庭初熟聞授受統玉堂忝侍

側重煩一喝用誰知陸氏莊久已三世種相視揚馬間祓

飾化愚蠢

王成朝考曾以文字受知於石君師因以弟子禮謁見

方當感遇賦東閣

候塵封武彝不可攀

笥河先生曾有主管武彝之夢

盤陀更餘慟

石君師自署爲

盤陀山人彼美衍青藍舊迹搜沙陸睠茲絕世珍恥落樵厮諷

放懷傾客囊重值出龐顙妙裝丐題詠藉紆山木痛我才

媿僮父祇資覆酒甕搜腸怵我先警目覷款縫師門有風

義共此蓄深衷臨文浩嗟嘆合抒淵源頌皇華星使來管

領芸香俸後塵景舊德新詞壓寶供我歌欲同聲故步失  
飛翹應憐才力儉易盡黃甘糲所期一瓣香叩須薦微臆

題琵琶譜系後爲吳君仰作

君仰善琵琶嘗挾藝薄遊楚粵間俱冠其曹少

司寇祖舫齋師爲纂琵琶譜系云

五嶺三湘足賞音況兼題翰重球琳檀槽彩筆俱千古使  
我難爲下里吟

一腔古調托冰絲不是崑崙卽段師憶煞蝸廬燒燭聽果  
然風致近陳隋

家學相傳指撥精瑤琴一曲有餘情戲君欲借樊南句雖

鳳清於老鳳聲

君嘗邀余陪舫齋師飲於西竺寺適病指不能搦絃屬令嗣懶僊以琴代之舫齋爲

索贈言因卽席口占以應

何事青衫枉斷腸由來名士合清狂會當共向天遊頂抗

手鍾離呂阿香

君有結廬武彝之願

送周賡廷邑侯

虎拜

歸養

丹崖山頭淬精銑四知臺畔揭芳準郎官上應星躔輝仙籍出膺政事選茲邦漁梁本巖邑往者負嵎窟乳贊烏賁側目不敢前元戎欲發再三返使君胸中富鈴畧絃歌未輟紅旗展掀髯一笑清萑苻陽春忽徧先疇畎虛堂懸鏡

屢不疲社鼠螳何足割總爲秀良極喫咻詎惜深心剔  
疣癰風聲所樹眾廢舉庭無畱牖戶無樅榮陽殷渠百道  
通虞城甘井輓轡轉關心緇領尤津津拂拭英髦激庸懦  
粵山齋中齋政肅要俟慶雲誕黃菌旣文其治昌厥風坐  
使賢書軼前軫憶昔星輶便道歸紛紛借寇擁笠繖神君  
有約去復來萬里秋晴豁天眼

陶使再來天有眼  
洪武時閭諺也

士雍農

衍粲各得如飢赴哺旅趨館疑謗何能滓太清愷德由來  
出勤懇青編不朽自有託但曰能廉論已倭中材十駕瞠  
莫追矧在隨波逐嗜噉忽聞勞薪感中道揮鞭不待終絃



管戒養陔蘭自不禁招人巖桂誰能遣椿楹護祀天所優  
保赤歸來又洗腆懸識萊衣鞠脰時絳趺詩並與歌演側  
聞義方最遠業肯任柴荆襲瑚璉男兒報  
國當及時桑蓬定爲毛生劬又聞姓字達

御屏

疇咨岳牧早汲引旂常鼎軸待駿烈東山豈許閒雲懶銷  
魂獨有素心人客中也逐攀轅餞傾蓋真成意氣孚況復  
相期在宏遠延津會合未可卜臨風何以罄誠款聊隨興  
人頌衰衣兼資浚儀作畫本

壯烈伯李忠毅公挽歌

大星夜落櫓馬驚滄溟半壁隳長城五丈哀思猿鳥陣三  
河悵望龍驤塋孫盧餘氛尙未息驚濤汨沒跳鯢鯨遊魂  
直緩須臾耳先教青簡編忠貞兢兢大節壯烈伯前身太  
白垂星精

公少學執筆卽書天生我才必有用七字公父因命以今名

四達八牕洞鈐

畧十步九計肅異聲蠶茲么麼窟溟漲不突竟敢窺東瀛  
公率背旌躡其後翻檣抉碇天爲眩狂飈倥傯易漏網東  
逃北竄如鼯鼯十年航海志愈苦萬里奔波心不平殲渠  
殪醜不知數但看血染征袍頰奇勛屢乖孰所致肯爲掣

肘渝其勅十盃十決氣彌厲誓將環海歸鏡清

帝曰舟師爾最奮總統諸鎮聽使令感激五內益矯矯馮  
夷貝闕欽丹誠惟十二年丁卯臘黑洋唾手收櫓槍我軍  
擬滅此朝食彼勢已蹙仍困搜空中飛礮忽沓至龍頭天  
竈齊欬傾誓師臧洪已難活罵賊卞壺猶如生蛟龍匣閤  
白羽落高棟遺堞虛支撐水仙劫盡豈能久飛將數奇那  
可爭鼓鞀一代有同感蘋藻千秋空令名敬聞  
九重表忠毅璽書悽愴凝

皇情褒詞諭祭備光寵易名延賞駢簪纓

皇家優典匪倖獲闡揚激發良非輕公孫大樹縱零落陶  
公戰艦還崢嶸公功垂成足憑藉公志未了誰能成精魂  
尙應砥柱立隻手孰向琅霄擎

北宸正佇旗常勒南紀長瞻帶礪盟

送陳雪峯茂才

榮瑞

返鷺門

詩瓢畫卷走天涯漫說紅蓮灼灼花百八鐘聲聽已倦那  
教遊子不思家

計公離家剛一百八十日

虎溪鹿洞我曾遊一別雲煙二十秋詎似錦囊詩料足羨

君生世在瀛洲

公家廈門爲山海殷富之區

吹藜閣上人如玉

同年林鑑塘太史主玉屏講席

夢草池邊屋似舟

虛白伯兄

主紫陽講席

料得相逢應問我爲言壓線未曾休

侯門小聚本前緣莫等搏沙便棄捐轉眼蒹葭秋水盛遲  
君來上孝廉船

退菴詩存卷四

福州梁章鉅蔭林

已巳秋初風雨甫霽乃與諸同人排日煮酒爲樂華  
筵未匝而余適有南浦之役黯然以去舟中坐懷  
情景各系以詩以抒離緒紀勝遊使後之視今有  
所考焉

高甫申明經

立誠

巖桂堂中侶相逢俱老蒼華顛君獨健潦倒我猶狂共是  
四方客珍茲十日觴古人惜良會傲舞又何妨

廖斯雲秀才 應祥

廖公眞傑士被我以春溫風義兼親故文章共法門 與余同受

業於蘇傷春妬明鏡話舊感離尊虎氣終騰上君家盛弟

昆

林蓼懷進士 軒開

夫子邦之彥家居方灑然斯文繼香草 所居爲黃莘田先生香草齋舊蹟

吾道在青氈病酒不入務談詩如悅禪何當追此暇同我

網遺編 余嘗約君同續輯全閩詩話

魏香士孝廉 齡

我愛魏公子，悠然見性真。  
詩才不關學，潔癖欲離塵。  
天道酒星降，人忘高士貧。  
祇應與朋好，來往道山鄰。

林研樵邑侯

慶章

疇昔可勝話，相憐臞與腴。  
交親今兩代，世業舊千秋。  
日落渭城遠，雪消淮水流。  
畏聽三疊曲，樽酒起離憂。

時將赴官秦中

張洲山明經

登瀛

廿載同方友，棲遲難具論。  
名花不傾國，宿草感師門。  
世澤縹緗富，賓筵笑語溫。  
况兼作羹手，雞黍要頻煩。

君家烹飪工

馮恪甫孝廉



勞人何所事賦罷帝京篇夜雨向誰共秋江方自憐

君試禮部

報罷歸復悼亡

所欣一尊酒未改舊華筵無那饑驅客扁舟方黯

然

許春甸孝廉

德樹

春甸富文章閒情亦異常園能九重度弓可六鈞強名士  
慣好勝才人頻悼亡邇來亦豪飲芒角易撐腸

寄題汀州伊墨卿太守

秉綬

秋水園畫冊

正結伊人想欣繙秋水圖古懷對松鶴餘事到蓴鱸地僻  
情彌遠名高道不孤鈞天一招手也許奏楊琴

家有千秋業人懷萬里心聲華滿京國碑版冠當今南紀  
波瀾闊東山歲月深所希陪杖履未敢例苔岑

俯仰論身世吾鄉幾似君江南多舊雨嶺外有慈雲濟國  
才無忝名山志轉殷故應資後進樊附日紛紛

卻憶曾遊地因君百感長雲山能指點風木正殉皇共有  
吾廬愛誰能舊德忘如何恆明發爲我指行藏

舊秋近局旣紀以詩今春讌聚益密人數益多復不  
可無詩仍以年齒爲次舊秋已贈者不重出云

郭蓮渚比部

仁圖

先生真有道閱歷得名通蹤跡多今雨

君少隨尊甫書屏先生宦游二十餘

年然後旋里

情懷似國風弦韋都適可博奕不求工他日徵詩

派都官響未終

丁楸巖比部

椿年

一東平反筆雲司舊有聲豪交盈日下鄉夢換春明信手黃金賤回身碧玉輕如何良宴會漸負飲仙名

君素豪飲近漸減矣

葉文石明經

申蔚

葉三善談讌能使衆情移間作吳歌脆偏於魯酒宜春華原絕豔秋賦屢愆期料欲攜雛鳳丹山共羽儀

姜調甫參軍

鼎

當年賓館盛猶見主人心金屋春如故瓊枝秀獨森

令嗣漢雨

新游縣庠

追歡良醞富話雨小樓深更有含飴樂霜華未上簪

龔楞香吏部

以鑑

結客少年場真成我輩狂由來膠漆契多在水雲鄉風趣已堪尙文章況有光慚余同宦跡杯酒話行藏

葉其園庶常

申薌

太史名家子豪情軼輩儕大言滿堂室痛飲渺漚淮以我青雲契期君白雪懷從來豪士癖不顧俗流猜

何石農茂才

恒鏗

何三美無度真不媿何郎文比詩才豔棋輸酒力強稽公  
最蕭散賀監總清狂誰使玉山倒神全幸不傷

題平海臚歡冊爲張蘭渚中丞作

榮鏡輝

皇寓彤雲靄顙穹二占符翊贊八表慶綏豐有壑溷溟北  
其淵滙震東渾茫鵜鰈萃涵演鼉鼉叢幻氣非無蜃含沙  
厥有蟲蝮盤成首尾鯢橫別雌雄

楓陛勤求莫樓航屢詰戎魂游仍在釜狡脫未歸罾宣力

經名詰敷猷泊我公弼謨虞大理奮衛夏司空授節鏐龍  
虎兼麾督豹熊主藏嚴旦誓獮薶密秋攻救廣揚鈴集禺  
京擊鼓逢水犀班矯矯潮駿駕麗麗省筭無疎網周陸盡  
直蓬涸鱗猶跋扈困獸在牢籠上將威如電軍行氣似虹  
未雲雷忽上竒火礮當中瞥爾妖氛滅於焉逆數窮骨淪  
泮水黑血漂島波紅飽嚼千鯨快明刑萬磔同巢焚何有  
穀穽壻豈遺蓬憬彼奔林歷曾爲舞甕蠓狼殲知狼怯罷  
惡自軀蒙廼歛神靡甲兼韜褚燕弓四千餘蟣螳五十計  
蠓螳鼠泣祈延息鴟音革怙終大哉天地治至矣岳淵衷

奏筆陽和入

仁鈞嶠冒洪界瀛欽底績浹月戴膚功擊汰嵯峨艇來琛  
澹沲風烏輪澄若木砥道暨樊桐興誦潮音涌勛旂旭采  
融戴恩山並重紀事石先礪文字珊柯鬱形模薤葉工闢  
觀傾巷陌軒舞逮兒童千禩芬芳壽

三霄監照忠望高彌裴廸德懋轉謙冲千羽諧韶濩臺萊  
茂華崧願簪金鏤管拜手頌帡幪

題沈石田畫燕

舊雨迷離新雨積舊時燕子如新客朱門回首阻良覲煖

雲撲地春無迹春去春來不自聊巢痕何處海天遙烏衣  
門巷垂楊陌留與騷人認六朝

讀漢書列傳雜詩

劉歆

侃侃移書讓太常一家職業近藜光如何奏總紅休略也  
復沿訛赤伏章

季布

十萬邊兵一語休大名何必藉曹邱朱家周氏俱知己只  
惜丁公命不猶



高五王

何論燕建與梁恢已分長安覆壽杯誰識疏苗去非種朱  
虛要是不凡才

王陵

非關任氣好廷爭  
咬血難忘白馬盟  
莫漫杜門謝朝請  
終緣少慙佐陳平

周勃

無端牘背費千金  
薄曲餘生獄吏侵  
垂老猶煩提冒絮  
北軍縮璽果何心

周亞夫

細柳軍容動至尊  
轉因偉烈釀煩冤  
禁中大戢傷心日  
縱理終符許負言

樊噲

鴻門氣概壓重瞳  
排闥聲猶震禁中  
若使陳平真奉詔  
後來帝籍孰銘功

周昌

可憐騎項尙批鱗  
殿下期期氣未馴  
早識隱王終一死  
煩公枉作左遷人

張蒼

如瓠美士早銜恩緒正偏歸計相尊何事尙沿顓頊歷大  
猷轉讓魯王孫

申屠嘉

弄臣詣府易抽身內史穿垣法未伸嫉惡終貽無術誚漫  
將歐血報丹宸

婁敬

婁生脫輅際昌辰四塞金城仗奉春苦諫白登勤遠略如  
何末議倡和親

叔孫通

短衣楚製託風雲  
應媿芳名稷嗣君  
世變巧從十主習  
朝儀忍使兩生聞

蒯通

阪九早策范陽公  
相背還希鼎足功  
利口已徵三儁喪  
縱饒雋永豈英雄

衛綰

衛家長者戲車郎  
六劍猶韜作作芒  
吳楚戰功在盟府  
建陵何必有它腸

梁孝王

千秋萬歲願終違  
多事輕言釀禍機  
坐使睢陽稱警蹏  
北山獵罷涕沾衣

爰盎

請室能迴周勃劍  
乘輿竟奪趙談鞭  
傾心劇孟終何益  
低首穉生始可憐

鼂錯

五技三章裕智囊  
偏教秘語阻東廂  
上書那得鄧中尉  
避坐終輸爰太常

張釋之

十載貲郎少宦情一朝結轡重王生玉環爭比一抔土從  
此人知廷尉平

鄭當時

鄭莊驛騎遍郊原推轂如聞有味言眼底爵羅容易設同  
聲一歎下邳門

枚乘 枚舉

吳宮花草竟淒然始識淮陰策士賢更有少孺衍家法宮  
中長憶戒終篇

寶嬰

沾沾自喜寶王孫太息藍田不杜門誰遣尙書有疑案終緣遺詔起煩冤

田蚡

丞相胡爲女豎爭武安肺附太驕盈曲旃甲宅招新鬼枉學盤盂負此生

灌夫

仲孺俠氣獨縱橫肯爲炎涼棄寶嬰可惜禍機生罵座千年遺恨潁川清

韓安國

梁國功臣此冠魁如何論不敵王恢東屯早識終顛墜悔  
不當年作死灰

景十三王

誰使藍田燕子飛東藩不覺涕頻揮何如雅樂三雍對千  
古儒林被德暉

李廣

功名莫望下中齊遺恨當年守隴西八百餘羌同日死可  
憐桃李漫成蹊



李陵

片冰升糒苦犁庭太息曹柯語不經死戰已慙韓校尉生  
存空伴衛丁靈

卜式

臨菑弩與博昌船此外誰當郡縣先不習文章薄鹽鐵左  
遷終竟負名賢

兒寬

不善催科化已滂早聞奏讞懾張湯此才合與編循吏枉  
奉東封萬歲觴

張湯

肝食恩將巧詆酬  
鄣間易斷狄山頭  
故人已媿逢田甲  
錯怨區區長史謀

蘇武

雪氍毹盡主恩  
深雁帛何緣到上林  
終奉太牢茂陵苑  
穹廬有客淚沾襟

衛青

明威未肯徇周霸  
招士終應鑒竇田  
不是益州任刺史  
孰知廬阜埒祁連

霍去病

未平輦允敢言家臨海封山事足誇意薄孫吳仗方略不  
知省士亦微瑕

楊敞

決策東廂婦勝夫安平當軸最糊塗癡兒更作同邱貉枉  
費西河太守書

司馬相如

犬子西歸始不羣孤忠何但氣凌雲宜春賦續長楊疏耳  
食徒嗤封禪文

公孫宏

末路鴻漸志已伸朔方十策漫因人當時東閣希公旦誰  
信膠西有逐臣

嚴助

淮南使者厭承明鄉里恩讐太不平鼠獄終遭廷尉刻虎  
符空發會稽兵

朱買臣

遲暮功名不自疑泉山徼得戰功奇邸中見綬風斯下况  
復甘心鵲蚌持

退菴詩存

卷四

七

吾邱壽王

平津籌盜計原粗動引乘蓬語亦迂政績已羞四千石底  
須寶鼎騁甘謨

主父偃

諫伐銷兵豈豎儒分封弱國計非疎如何日暮甘烹鼎太  
息山邱一孔車

終軍

子雲弱冠氣縱橫建節歸來復請纓劇愛詰窮徐博士棄  
繻生是老經生

胡建

堂堂叱咤絕驚奇  
軍法軍容兩不疑  
地下若逢京兆尹  
也應揮淚渭城祠

賈捐之

文命如何聖未優  
君房下筆近浮游  
珠厓罷後關東定  
郤是初元第一籌

公孫賀

南竊深知止足箴  
中年舐犢轉昏熒  
禍機終激陽陵俠  
翻使奇冤起掖庭

田千秋

一言寤意據通津絕域都知笑富民若使時無霍子孟括囊未易遂容身

梅福

殷統端應據素功省災深戒火庸庸南昌仙尉真儒者不媿嚴陵作婦翁

金日磾

定策康屯綽有餘秬侯忠孝更誰如椒房早避當時寵薪突無煩異日書

趙充國

老臣孤力注先零刻日威行大小开從此金城連枕席漢  
家長策是屯田

陳湯

功高安遠長羅右威震烏孫赤谷陞如此奇才終儻募鼓  
聲何以厭人思

段會宗

恩威果足奠昆彌垂老功名更絕奇漫道同時無傳鄭片  
言早復雁門蹄



雋不疑

褒衣博帶獨超倫直指相逢不敢與一卷春秋能應變黃  
綸男子漫驚人

魏相

疏抑三侯見最明又防右地選驕兵陰陽人事原同貫問  
喘應嗤丙少卿

丙吉

當年郡邸護曾孫左證惟餘士伍尊如此大功猶不伐汙  
齒那復市私恩

夏侯勝

好學多師足典型况兼直節動明庭  
漫教師保知鴻範從此珠襦也受經

京房

變李爲京已駭聞危言構怨志徒焚  
知幾早媿焦延壽藏器猶輪翼少君

尹翁歸

西武東文豈等倫扶風威斷手如銀  
後堂失笑于廷尉不及知人田子賓

韓延壽

管絃斧鉞裕宏裁  
恩信無煩發  
擿才何事黃  
紕擁幢檠不堪  
飲盡渭城杯

張敞

偶緣紫綬快恩讐  
亡命歸來又典州  
但得諸方枹鼓靜  
何妨輕矯亦千秋

王尊

布鼓欺人太不禁  
佩刀一顧復深沉  
明廷不審匡衡疏  
負卻金堤一片心

王章

曾排石顯陷彈章抗疏還驚外戚王莫與牛衣作姍笑仲卿大節本堂堂

蓋寬饒

酒狂詎但懾檀卿周召刑餘更力爭若慕子胥忘蘧氏九原應悔負王生

鄭崇

不惜身將國咎當子游真屬古之狂履聲但信恩無間那許臣門有趙昌

孫寶

豈嫌主簿貶清流宦跡浮沉氣不柔縱媿霸陵稱隼擊肯  
隨越雋頌龍游

蕭望之

儒宗碩望兩堂堂末議偏違耿壽昌不待朱游趣和藥杜  
陵男子本非常

馮奉世 野王 立

鄩善莎車一旅通旁羌少姐又成功最難使表饒庭訓上  
郡還歌大小馮

張禹

平陵祠堂踞肥牛孤負深宮禮數優妄引春秋塞清問一  
生恩怨曲陽侯

王商

外家恩寵易相形驀地張匡語不經可惜蠡吾真漢相無  
緣長坐未央廷

史丹

撻鼓隲尤漫等倫膠東故事莫頻詢竟陵一掬青蒲淚大  
計終歸儻募人

翟方進 義

通明相業實容容翻爲孤忠隕厥宗東郡早開鴻隙怨西  
京誰掾雁庭凶

孔光

不肯阿諛不强爭孔君通介未分明若將朱博王嘉比進  
退真收蘊藉名

何武

刺侯心迹最溫文宏獎爵爭赫赫勲廢道何如違俗得不  
應悔舉左將軍

揚雄

合是承明著作才那教投閣起嘲詼  
龍蛇身世真爲累反盡離騷更可哀